



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput centesimum quadragesimum primum. Jesus descendit ad Inferos, & Patriarchas inde educit.

urn:nbn:de:hbz:466:1-16260

CAPUT CXLI.

Jesus descendit ad Inferos, & Patriarchas inde educit.

PSALM. 67. 5, & seq. Cantate Deo, psalmum dicite nomini ejus; iter facite ei qui ascendit super occasum: Dominus nomen illi. Qui educit vincētos in fortitudine; similiter eos qui exasperant, qui habitant in sepulchris. Ascendisti in altum, cepisti captivitatem; accepisti dona in hominibus.

Psalm. 106. 10, & seq. Sedentes in tenebris & umbra mortis. eduxit eos de tenebris & umbra mortis, & vincula eorum dirupit. Quia contrivit portas areas, & veltes ferreos confregit. Misit Verbum suum, & sanavit eos, & eripuit eos de interitibus eorum.

Psalm. 141. 7, 8. Intende ad deprecationem meam, quia humiliatus sum nimis. Libera me à persequentibus me, quia confortati sunt super me. Educ de custodia animam meam, ad confitendum nomini tuo; me expectant iusti, donec retribuas mihi.

Eccli. 24. 45. Penetrabo omnes inferiores partes terra, & inspiciam omnes dormientes, & illuminabo omnes sperantes in Domino.

Isa. 25. 7, 8. Et precipitabit in monte isto faciem vinculi colligati super omnes populos, & telam quam ordiuntur super omnes nationes: precipitabit mortem in sempiternum, & auferet Dominus Deus lacrymam ab omni facie, & opprobrium populi sui auferet de universa terra, quia Dominus locutus est. Et dicet in die illa, Ecce Deus noster iste, expectavimus eum, & salvavit nos: iste Dominus, sustinimus eum, exultabimus & letabimur in salutari ejus.

Isa. 42. 6, 7. Et dedi te in fœdus populi, in lucem gentium, ut aperires oculos cecorum, & educeres de conclusione vincitum, de domo carceris sedentes in tenebris.

Isa. 49. 8, 9. Dedi te in fœdus populi, ut suscitares terram, & possideres hereditates dissipatas; ut diceres his qui vinciti sunt, Exite, & his qui in tenebris, Revelamini.

Isa. 53. 12. Ideo dissipiam ei plurimos, & fortium dividet spolia, pro eo quod tradidit in mortem animam suam, & cum sceleratis reputatus est.

Ose. 6. 3, 4. Virificabit nos post duos dies, in die tertia suscitabit nos, & vivemus in conspectu ejus. Scimus, sequemurque ut cognoscamus Dominum: quasi diluculum preparatus est egressus ejus, & veniet quasi imber nobis temporaneus & serotinus terre.

Ose. 13. 14. De manu mortis liberabo eos, de morte redimam eos: ero mors tua, o Mors; morsus tuus ero, Inferne.

Zach. 9. 11, 12. Tu quoque in sanguine

MATTH. 12. 39, 40. Generatio mala & adultera signum quarit, & signum non dabitur ei, nisi signum Jonæ Propheta. Sicut enim fuit Jonas in ventre ceti tribus diebus & tribus noctibus, sic erit Filius hominis in corde terra tribus diebus & tribus noctibus.

Matth. 27. 52, 53. Et monumenta aperta sunt, & multa corpora sanctorum, qui dormierunt, surrexerunt: & exeuntes de monumentis, post resurrectionem ejus, venerunt in sanctam Civitatem, & apparuerunt multis.

Joh. 12. 32. Et ego si exaltatus fuero à terra, omnia traham ad meipsum.

Rom. 10. 6, 7. Ne dixeris in corde tuo, Quis ascendet in caelum? id est Christum deducere: aut, Quis ascendet in abyssum? hoc est Christum à mortuis revocare.

Eph. 4. 8, 9. Propter quod dicit, Ascendens in altum captivam duxit captivitatem; dedit dona hominibus. Quod autem ascendit, quid est, nisi quia & descendit primum in inferiores partes terra? Qui descendit, ipse est & qui ascendit super omnes caelos, ut impleat omnia.

Col. 2. 15. Et expoliatis Principatus & potestates, tradidit confidenter, palam triumphans illos in semetipso.

Ebr. 2. 14. Quia ergo pueri communicaverunt carni & sanguini, & ipse similiter participabit eisdem; ut per mortem destrueret eum qui habebat mortis imperium, id est Diabolum.

1. Petr. 3. 18, & seq. Quia & Christus semel pro peccatis nostris mortuus est, iustus pro iniustus, ut nos offerret Deo, mortificatus carne, vivificatus autem spiritu; in quo & his qui in carcere erant, spiritibus veniens predicavit, qui increduli fuerant aliquando, quando expectabant Dei patientiam in diebus Noë, cum fabricaretur arca.

1. Petr. 4. 6. Propter hoc enim & mortuis evangelizatum est, ut iudicentur quidem secundum homines in carne, vivant autem secundum Deum in spiritu.

testamenti tui emisisti vinculos tuos de lacu, in quo non est aqua. Convertimini ad munitionem vinculi spei; hodie quoque annuntians duplicita reddam tibi.

I. Christo Jesu addicitur Psalm. 67. 5, 7, 19. II. Christo Jesu addicitur Isa. 53. 12. III. Exponitur priscorum Judaeorum sententia de Ose. 13. 14. IV. Christo Jesu addicitur Zach. 9. 11, 12.

I. **I**N Christo Jesu finem habuisse prophetiam, quam è Psalmo sexagesimo septimo hic deprimimus, testificatur Paulus in Epistola ad Ephesios, cujus verba quoque recitamus. His autem prædictum fuisse declarat descensum Jesu in inferiores partes terræ, quas Inferna loca, & Inferos appellamus; ascensum ejus in cælum, & donorum Spiritus sancti erogationem. Atqui vaticinio hoc in suam sententiam abuti haudquaquam fuisset ausus, nisi in Messia eventum ejus communi Judæorum consensione expectari scisset. Quod iterum iterumque monui. Itaque prisci Judæi in Schemoth Rabba, aliisque vetustis monumentis Messia applicant isthæc indidem petita: *Venient legati ex Aegypto. Nos quoque paulo superius in Apostolis & Discipulis Christi completa hæc ostendimus: In ecclesiis benedicite Deo Domino de fontibus Israël, & quæ iis subnexa sunt.*

Christo Jesu addicitur Psalm. 67. 5, 7, 19.

Psalm. 67. 11. Psalm. 67. 47. & seq.

II. Ad aliud vero testimonium, ex Isaiaë quinquagesimo tertio capite petitur quod attingit, satis jam superque probavimus totum id Messiam prænuntiare. Hoc vero commate Patriarcharum liberationem ex inferis signari vincimus his argumentis. Dico primum eorum animos qui mortem effugerunt, spolia in Codicibus sacris appellari. Jeremias non semel: *Sed erit tibi anima tua כְּחֵץ, in spoliis.* Meminerimus præterea Isaiaë octavo capite nomen hoc Messiaë inditum esse: *Accelera spolia detrahere, festina prædari:* suis enim locis à me probatum est ad Messiam istud spectare. Fortes à Messia spoliati quinam sint, docet nos Apostolus in Epistola ad Colossenses: *Et expolians Principatus & Potestates traduxit considerenter, palam triumphans illos in semetipso.* Potestates appellat, & in Epistola ad Ephesios: *Principes mundi rectores rebrarum harum,* quos Isaiaë fortes appellaverat. Mortis quoque & Orci fortitudo prædicatur in Cantico: *Fortis est ut mors dilectio, dura sicut infernus emulatio.* Et in Psalmis: *Quis est homo qui vivet & non videbit mortem, eruet animam suam de manu inferi?* Ex his colligere promtum est spolia illa fortium, quæ dividenda prædicat Isaiaë, animos esse ex inferis locis à Christo Jesu educos, & in cælum evectos, tum & animos vivorum hominum, laqueis peccatorum & Dæmonum tyrannide exemptos; atque eos etiam qui corpora sua subiere rursum, postquam mortem pertulit Christus. Profecto in veteri Judæorum libro Siphre, & in Gemara libri Sotah, torquentur hæc ad allegoriam, verum nullis subnixam rationibus, & quam Aben Ezra refellit; cum nos nostram Scripturæ consensu tueamur. Parata ergo nobis est ad explodendum Abrabanielem ratio, qui quod bella non gesserit Jesus Dominus, minime hæc in eum quadrare contendit; quasi *אֵלֶּיךָ לֵאמֹר* sumenda sint; quod ne à suis quidem factum congerronibus scire debuit.

Christo Jesu addicitur Isa. 55. 12.

Jerem. 59. 13. & 45. 5. Isa. 8. 1, 3.

Col. 2. 15.

Eph. 6. 12.

Cant. 8. 6.

Psalm. 88. 49.

III. De Oseæ oraculo, quod è decimo tertio capite excerptimus, tantum hoc dicam, sic illud intelligi & explicari in Beresith Rabba R. Mosis Hadarfân, quem admodum hic à nobis intelligitur. Quo loco quoniam doctrina de Messiaë descensu ad inferos & captivorum liberatione, nostræ doctrinæ perfimilis continetur, utile fuerit totum exponere. Ait R. Josue ben Levi, se Messiaë filio Davidis comitatum, abiisse cum Kippod, Angelo mortis, Gehennæ præfecto, quoad ad portas Gehennæ perventum est: captivos autem illuc detruos, viso Messiaë lumine, summis eum cepisse latitiis, sperantes futurum, ut ab eo tantis tenebris eximerentur, juxta hoc effatum Oseæ: *De manu mortis liberabo eos, de morte redimam eos:* & illud Isaiaë: *Et redempti à Domino convertentur, & venient in Sion cum laude & lætitia sempiterna super caput eorum: gaudium & lætitiâ obtinebunt, & fugiet dolor & gemitus:* Sion autem Paradisum illic significare. Tum paulo post addit septem nominibus appellari Gehennam, quorum primum est, שאול, hoc est, *orcus*, & ἄδης: deinde גֵּהֶנְגִּים, Gehenna: *puteus perditionis:* דוּמָה, *silentium:* טוֹט הוּן, *lutum cani:* עֲלֻמֹת, *umbra mortis:* ארץ התחתית, *terra inferior.* Ex quibus nominibus noscitur quomodo pleraque Scripturæ sanctæ ἰστορίαι intellexerint veteres Judæi.

Exponitur priscorum Judæorum sententia de Ose. 13. 14.

Ose. 13. 14. Isa. 35. 10.

IV. Postremo cum in Propositione septima demonstraverim, nonum comma ac decimum capituli noni Zachariæ ad Messiam esse referenda, ne Judæis quidem dissentientibus; eademque in Jesu evenisse, juxta Evangelistarum testimonia; plane conse-

Christo Jesu addicitur Zach. 9. 11, 12.

Clarium est undecimum quoque ac duodecimum comma, una serie prioribus connecta, in Christo Jesu fuisse completa.

CAPUT CXLII.

Jesús revivificat.

PSALM. 3. 6. Ego dormivi, & seporatus sum, & exurrexi, quia Dominus suscepit me.

Psalm. 15. 9, & seq. Propter hoc letatum est cor meum, & exultavit lingua mea: insuper & caro mea requiescet in spe. Quoniam non derelinques animam meam in inferno, nec dabis Sanctum tuum videre corruptionem. Notas mihi fecisti vias vitæ, adimplebis me letitia cum vultu tuo; delectationes in dextera tua usque in finem.

Psalm. 29. 1, & seq. Exaltabo te, Domine, quoniam suscepisti me, nec delectasti inimicos meos super me. Domine Deus meus, clamavi ad te, & sanasti me. Domine, eduxisti ab inferno animam meam; salvasti me à descendentibus in lacum.

Psalm. 40. 9, & seq. Verbum iniquum constituerunt adversum me. Numquid qui dormit, non adjiciet ut resurgat? Etenim homo pacis mee, in quo speravi, qui edebat panes meos, magnificavit super me plantationem. Tu autem Domine, miserere mei, & resuscita me, & retribuam eis.

Psalm. 48. 16. Verumtamen Deus redimet animam meam de manu inferni, cum accipiet me.

Psalm. 55. 12, 13. In me sunt Deus vota tua, quæ reddam laudationes tibi: quoniam eripuisti animam meam de morte, & pedes meos de lapsu.

Psalm. 70. 20. Quantas ostendisti mihi tribulationes multas & malas, & conversus vivificasti me, & de abyssis terra iterum reduxisti me!

Psalm. 87. 5. Estimatus sum cum descendentibus in lacum, factus sum sicut homo sine adjutorio, inter mortuos liber.

Psalm. 114. 3, & seq. Circumdederunt me dolores mortis, & pericula inferni invenerunt me. . . . Convertere anima mea in requiem tuam, quia Dominus benefecit tibi: quia eripuit animam meam de morte, oculos meos à lapsu.

Psalm. 141. 7, 8. Intende ad deprecationem meam, quia humiliatus sum nimis. Libera me à persequentibus me, quia confortati sunt super me. Educ de custodia animam meam, ad confitendum nomini tuo: me expectant iusti, donec retribuas mihi.

Psalm. 142. 11, 12. Spiritus tuus bonus deducet me in terram rectam, propter nomen tuum, Domine, vivificabis me in aequitate tua. Educes de tribulatione animam meam, & in misericordia disperdes inimicos meos,

MATTH. 12. 39, 40. Qui respondens ait illis, Generatio mala & adultera signum querit, & signum non dabitur ei, nisi signum Jona propheta. Sicut enim fuit Jona in ventre ceti tribus diebus & tribus noctibus, sic erit Filius hominis in corde terre tribus diebus & tribus noctibus. Et Matth. 16. 4. Luc. 11. 29.

Matth. 16. 21. Exinde capit Jesus ostendere Discipulis suis, quia oporteret eum ire Jerusalem, & multa pati à Senioribus, & Scribis, & Principibus Sacerdotum, & occidi, & tertia die resurgere. Et Matth. 17. 9, 22. & 20. 17, & seq. Marc. 8. 31. & 9. 8, & seq. & 10. 34. Luc. 9. 22. & 18. 31, & seq.

Matth. 26. 32. Postquam autem resurrexero, precedam vos in Galileam. Et Marc. 14. 28.

Matth. 27. 52, 53. Et multa corpora Sanctorum qui dormierant, surrexerunt: & exeuntes de monumentis post resurrectionem ejus, venerunt in sanctam Civitatem.

Matth. 27. 62, & seq. Altera autem die, quæ erat post Parasceven, convenerunt Principes Sacerdotum & Pharisei ad Pilatum, dicentes, Domine, recordati sumus, quia seductor ille dixit adhuc vivens, Post tres dies resurgam. Jube ergo custodiri sepulcrum usque in diem tertium: ne forte veniant Discipuli ejus, & furentur eum, & dicant plebi, Surrexit à mortuis: & erit novissimus error pejor priore.

Matth. 28. 5, & seq. Respondens autem Angelus dixit mulieribus, Nolite timere, vos, scio enim quod Jesum qui crucifixus est queritis: non est hic; surrexit enim, sicut dixit. Venite, & videte locum, ubi positus erat Dominus. Et cito euntes dicite Discipulis ejus quia surrexit, & ecce precedet vos in Galileam: ibi eum videbitis; ecce prædixi vobis. Et exierunt cito de monumento cum timore & gaudio magno, currentes nuntiare Discipulis ejus. Et ecce Jesus occurrit illis, dicens, Ave. Ille autem accesserunt, & tenuerunt pedes ejus, & adoraverunt eum. Et Marc. 16. 5, & seq. Luc. 24. 5, & seq.

Luc. 24. 45, 46. Tunc aperuit illis sensum, ut intelligerent Scripturas, & dixit eis, Quoniam sic scriptum est, & sic oportebat Christum pati, & resurgere à mortuis tertia die.

Joh. 2. 19, & seq. Respondit Jesus, & dixit eis, Solvite templum hoc, & in tribus diebus excitabo illud. Dixerunt ergo Judæi, Quadraginta & sex annis edificatum est Templum hoc,